

مُتَرَاتِقُ الْقِيَمِ

۱۳۲۶

در سعادتده باب عالی جو ارنده
 دائره مخصوصه
 محل اداره :

اخطار :

مسلكمزه موافق آثار جديده مع المنونيه
 قبول اولنور
 دوج ايديله بن آثار اعاده اولنور

ديس، فلسفه، علوم، حقوق، ادبياتده و مباحياتده و باظافه كرك مباحي و كرك اجتماعي و دمرني احوال و مشوره ايملا ميه دره بحث ايدر و هفته ده بر نشر اولنور.

آبونه بدلی

صاحب و مؤسساری :

در سعادتده نسخه سی ۵۰ پاردر

ابوالعلا زین العابدین - ح . اشرف ادیب

سنه لکی التي آیلنی

تاریخ تأسیسی

قیرله دن مقوا بورو ایله کوندریلیرسه سنوی

مالک عثمانیه ایچون	۸۰	۴۰	غروش
روسیه	»	۳۵۰	روبله
سائر ممالک اجنبیه	»	۹۰	فرانق

۱۰ تموز ۳۲۴

۲۰ غروش فضله آلنیر

عدد : ۶۱

۲۰ شوال ۳۲۷ پنجشنبه ۲۲ نثرین اول ۳۲۵

اوچنجی جله

طریاتی پایانسز ساحللك لب زمزمه دار وسعتدن آیرووبده حياض
حدايقك دائرة دلتك را كدينه نصل ايصال وادخال ايده بيليرز ؟
حامدك ابهام معظمی بو كون مسن بز قاج چوجنگك تقليد ايتك
چالشمسی او كيك خرامان شعرك زاغ آسا بر مصلد مضحكى اولق
دكيدر ؟

برده اكلامق ايسترم كه بو كون تأسيس يارين توسيع ايدلك
ايسته نيلن نظم مهمله بو مملكتنه نه خدمت ايده بيليرز ؟ عثمانيلرك
قوللاندى قلى سياه مر كبلر حالا ادبياتك سيمطالعلكنه معكس اولمش
كبي اغلايه رقى جريان ايتسين ؟ آرتق بزه بر دوشيزه نهال اندام
وكل جمالك تعريف حسن و آنى كر كمر .

بر دور انقلاب - قائلر ، جريحلر ، هراس فلاكتلرله طولو -
بر كتاب ذى حيات ، بر بنای پر وقايعدر كه اونى قلیجلر بازار ویا پار
لكن او حیات آرا كتابك ، او وقایع مشحون بنانك اولومه ، نسیانه
قارشى صیانتكارى قلملر اولور . آچیق سويديهیم انقلابی قلیجلر
تأسيس ایدرسه قلملر تدویر ایدر . مؤسس دور انقلاب اولان قلیجلر
غبار آلود نیام اختفالنندن حقیقه لی ایجه اولدی ؛ فقط ادامه واداره
دور حریت ایتسی لازم كلن قلملر حالا حقه سیه - دائرة
ترددلرندن قیام نمون خروج اولدیلر . واقعا نامق كالك معظم
اوغلی علی اکرم ، صوك عصر اديمرك مؤبد اولادی محمد عاكف
قلب شاعریتلرینك اندفاعات برکایه کبی آتشین اولان صادرات حماسیله
شو دور حریتك احتیاجات ادبیه سنه مبجل بر رکن خادم ، مشکور
بر کافل تطمین اولدیلر . فقط بولا يموت ارلری شهاب حاضر تعقیب
وتقلید ایتمه میلمی ایدی ؟

بر طاقم جنایات نفسانیه و فاجعات اخلاقیه نك بی عار مصورلری ،
رذالتشعار ستایشخوانلری اولان بعض اسلامز کافی . آرتق مجرا
ومنصبی کر مایه لر اولان اوچرک ولوث دریارنده آلر نده کی خشپاره
اقلامه استناد ایدرک برده معاصر لر ممز ، اخلافز شناورلك ایتسرنلر که
جنایتدر !

امین اولمی که وطنك منجمد و مجسم بر صباح آمال اولان قره
طوپراغنه بایراغز دن دوشن هر سایه آل الك کوزل چهره لرك تنوعات
حمرتندن کوزلدر .

مرمت جمال

مکتب

و

بومایده میده اسلامك انشاری

ترقیات مدنیه بی بو طبقه یه ، نبی بشری استیلا ایدن جهالتدن
تخلیص ایدوب بو عالم ادرا که سوق ایدن ، فطرة شقی خلق اولمش
بر چوجنی بر قوت خارق العاده ایله حلمه دعوت ایدن ، انسانلره
ساری اولان علل متنوعه امراضیه دن تخلیص ایدن ، بر فقیری علم
سایه سنده زنکین ایدن ، بر دولتک دیکر دولتله محاربه سنده غلبه
چالدران ، بر دینک سبب انتشاری اولان مکتب دکلیدر ؟

بو کون دول معظمه دن عد اولنان ژاپونیا بوندن قرق الی سنه
اول نه حالده ایدی ؟ بوندن درت سنه اول روس و ژاپون سفرنده
ژاپونلرک غالب کله چکنی کیم امید ایدیوردی ؟ ایشته ژاپونلرده مامرفک
انتشاری روسلری مغلوب ایتدی . دین مسیحینک شمدی به قدر
فوق العاده انتشاری اوروپاده موجود اولان مبشر مکتباری سایه سنده در .
بر ملتده که مکتبلر یوقدر ، او ملتک محویتی درجه و جو بیته
واصل اولمش دیمکدر . اعصار اخیرده دین اسلامک ترقی ایتمه سنه برنجی
سبب . کتاب تبشیریه نك مفقودیتدن ایلرو گلشدر .

مهرمنیر اسلامیتک آسمان شرقدن لمه پاش علویت اولدیغی زمانلرده
ایدی که تاریخ عالمده حقیقه پک بیوک بر دور آچیلمش ایدی : محور
حقیقیسندن انحراف ایتمش اولان اسکی مذهب لر تا تمندن صارصلدی ؛
عصرلردن بری بر رخاوت ایچنده اصرار عمر ایتمکده بولونان بر قوم ذکا
پرورده بیوک بر فعالیت کورلدی ؛ نورانی بر دین ، پارلاق بر مدنیت
اولا شرق انقلرنی ، آندن صکره آفریقانک جهات شمالیه سنی ،
صکره ده آوروپانک منتهای غرب جنوبیسنی تنویر ایلدی . اوللری
مدنیتدن ، کالاتدن محروم اولان عربلر اسلامیتله نشرف ایتد کدن صکره
اولیه پارلاق موفقیتلر ، اولیه شانلی مظفریتلر قزانلیر که ، یونانیلرک ،
ایرانیلرک ، رومالیلرک عصرلرجه چالیشوب جبالا یوبده میدانه کتیره مدکلری
مظهریتلره پک سریع بر صورتده نائل اولدیلر . والحاصل اهل اسلام
ایله مناسبته بولونان بتون اقوامک پک آز بر مدت ایچنده مدنیت
اسلامیه بی قبول ایلدکلری مشهود اولیور . فقط بونلر دین اسلامک
ماهیتنی آ کلامقسزین قبول ایتهدیلر . او زمانلرده جهات مختلفه یه
سوق اولونان اسلام مبشرلری دین اسلامک حقیقتنی ، ماهیتنی ،
آداب اسلامیه بی آ کلاتدقندن صکره در عقب شریعت غرای محمدیه بی
تصدیق ، و دین اسلامی قبول ایلدیلر ؛ بو صورتله بنای اسلام قوریلوب
شمدی موجود بولنان (۴۰۰،۰۰۰،۰۰۰) اسلام میدانه کلدی .
بو قدر موفقیتلرک جمله سی برنجی درجه ده دین اسلامک نه معقول ،
نه عالی ، نه واسع بر دین صحیح اولدیغنی کوسترر ، و ایکنجی درجه ده
اسلاملرک « فضل العالم علی العابد کفضل القمر ایله البدر علی سائر الکواکب »
کلام حکمت انجمنه نه قدر اطاعت ایدوب چالشدقلرنی ، عالم اولوب
حضرت پیغمبرک شفقتنی ، مرحمتنی قزانمغه بتون ذهنلریله ، بتون
قوتلری ایله جهد ایتدکلرنی و موفق اولدقلرنی کوسترر . فقط
اعصار اخیرده او احادیث شریفه لره تمامیله رعایت ایدلیوب یالکز
مدرسدرده ، مسجدلرده (فقه) شریف و تجوید او قومغله (قولایجه)
عالم اولمغی دوشونمکه باشلامشلردی . حالبوکه حضرت پیغمبرک
(اطلب العلم ولو فی الصین) حدیث شریفنی تفسیر ایدجه ک اولور سه ق
علم یالکز (فقه) و تجوید اولدیغنی آ کلاویه جفز ؛ حدیث شریفنی
تفسیر ایدلم :

علم چینه بیله اولسه طلب ایدیکز بیوریورلر ، طبیعیدر که :
عربستانک چوللرندن قالقوب چینه کیدوب تحصیل علم ایدجه ک اولان
آدمک جغرافیا بیللمسی و چینیلرک کیملر اولدقلرنی وهانکی دین ایله

بر طاقم خرافات ماضیه بی زوالی جاهلانه آکلاتمقدن بشقه بر فائده لری کوریوریومی؟ اگر مبشر مکتبیری بولنش اولایدی بورزالتله میدان ویرلمزدی .

آنلره خرافات ماضیه دن، یاخود پاره چکمکدن بحث ایده چکلرینه حضرت پیغمبرک مفصل تاریخی، فلسفه دینه، تاریخ اسلام، آداب اسلام و بونلره مماثل استفاده یه اولنه جق حقایقندن بحث ایدرلر، اوجهات پرده لرینی قالدیرلر، او خواب غفلتدن او یاندیرلردی . مبشر مکتبیرینک دهانجه فوائدی وار .

بو حالات متأثره یه متأسف اولمه مق قابلیدر؟ ای اخوان دین! جناب حق بزى، دینمزی، وطنمزی محافظه ایتمک ایچون بر حارث اوله رق خلق ایتمدر. بو وظیفه یی سوء استعمال ایتیمه لم، کمال جدیدته اجرا ایده لم، اهل ایتیمه لم، اهل بزى کرداب سفالت و خرابیته سوق ایدر. بو یولده پاره ویرمکدن هیچ بر وقت چکیمیه لم؛ چونکه بونلر تشبث و پاره سایه سنده قوه دن فعله کتیر یله بیلور. بر حارث وظیفه سنی سوء استعمال ایتیمه مک ایچون جانی تهله کیه قویمه یه دائماً مهیادر. ایشته بزده جانمزه ک فداسیله بو کالاته بو موفقیتلره واصل اولنه جقنی بیلهرک، هیچ تردد کوستریمه لم . چالیشم، دنیا ده چالیشمق و تشبث سایه سنده هر امله موفق اولنور. وقت حاضرده مرکز خلافتده، ممالک اسلامیته نک زنکین شهرلرندن عد اولنان مصرده، هندستانده برر مبشر مکتبی تأسیس اولنسه اکاده راضی اولورز . بز شمدی زمان اسلامده بر تشبث، بر چالیشمق اثری بولمق ایستیورز، ایشمدیلک بوده کافیدر . اکرینه اسکی حالمزده، اسکی تنبلاکمزده دوام ایده جک اولورسوق اسلامیته ک هیچ بر وقته انتشاری کورولمیه جکدر . چالیشمق، پاره صرف ایتمک، تشبثدن بشقه دین اسلامه نجات ونجیح یوقدر . حقیقتک پرده کتمان آلتنده قلمیه جغه امینز، فقط حقیقتک اظهاری چالیشمق، ایله حاصل اولور . باقی والسلام علی من اتبع الهدی .

عبدالابد ثریا

بیروت

صراط مستقیم

ژاپونیا، چین، سودانه کیمه دن اول کندی مملکت مزده بولونان دین قاردشلمزى او یاندیرسوق، حقایق اصلیه دینه یی اونلره آکلاته بیلسدک بزم ایچون بوده بیوک بر موفقیت در. چونکه بوراده کی مسلمانلرک احوالی کیتدکجه اوله غریب بر شکل آلیورکه تأسف ایتیمه مک، آغلاماق ممکن دکدر. بز شمدی زمان حریتده ده بو تأسف نمون حالله لاقید قاله جق اولورسوق بر مدت صو کرا مهالک ملحوظه برسیل خروشان کبی موجودیتمزی قابلا دینی زمان الرمز بو کرمزده قالیرسه حیرت و تعجب ایتیمه ملی یز .

بو کون اسلاملرک انحطاط حاضرینی دینه حمل ایدیورلر. حالبوکه بر زمانلر شرق وغربده موج ایدن لوای محمدی یی طاشیان سینهلر، هر درلو مائر بدیه مدینه یی وجوده کتیرن دماغلر هپ بو دین جلیلمک حقپرست سالکری ایدی . صو کرا لری مسلمانلر تفرقه لره دوشهرک

متدین اولدقلرینی، ماضیلرینی، او کرمکه تاریخ معاونت ایده جک . او حالده جغرافیا و تاریخ او کرمه مزى حضرت پیغمبر یالکمز شو حدیث شریفنده امر ایدیور . بو حدیث شریفه مماثل نیجه حدیث شریفلر صادر اولمشدرکه بزى حال حاضرده موجود اولان علوم و فنونی او کرمه مزه مجبور ایدیور . بو علوم و فنونی او کرمک ایسه یالکمز مکتبلره متوقفدر .

بوندن درت بش عصر اوللرینه ارجاع نظر ایده جک اولورسوق اسلاملرک دنیایی تسخیر ایتیش اولدقلرینی مشاهده ایده جکمز بدیهیدر . ایشته بو موفقیتلرک هبسی علمه واحکام دینه رعایت ایتملرندن ایرو کیشدر . فقط شمدی کوریورز که مسلمانلرک قولی قیراش، قانلری فاسداولمش . نزه یه باقسوق، نزده بولنسه ق حیاتی زهر لیه جک احوال اطرافمزی احاطه ایتیش، صبر اولنماز، صبرینه هیچ بر کوکل راضی اولماز بر حالده یز . بو حال اراده یی سالب بر مرتبه یه واردینی ایچون انسان بی اختیار سولنیور . نه دیرلرسه دیسونلر، مؤمن بیلدیجک شیئی سولیکه مأموردر . بز طرفندن ده بو وظیفه دینه بزى اجبار ایدیور . انسان بو وظیفه یی ایفا ایتمزسه دیندن چیقار، چونکه ایمان قلبنده یر بوله ماز . دین اسلامک اک بیوک مقصدی ایسه انسان ایچون سعادت مادیه و معنویه نک ویا تعبیر آخرله سعادت دنیویه و اخرویه نک مداری، مکافات و مجازاتک اک بیوک استنادکاهی اولان اراده و اختیاری تأمین ایتمک و بناء علیه اراده و اختیارک منشا و مولدی اولان وجدانی حر بر اقدردر . بو حکمته مبنیدرکه دعوت دینه جبر واکراه دکل تبلیغ اساس قلمشدر، او حالده ممالک اسلامیته نک جهات مختلفه سنده متعدد مبشر مکتبیری کشاد اولنسه ونشأت ایدن مبشرلری ژاپونیا، چین، سودانه ودها سائر ممالکه سوق اولنسه آنلره دین اسلامک ماهیتی، حقیقتی عالمانه بر صورتده آکلاتسلر و آنلره طریق حق کوسترسلر بویولده ینه عالم اسلامیت اسکی سطوت و مظفریتی اله ایتسه نه اعلا اولور .

اسلامده پاره ده وار، جهنده وار . یالکمز بر تشبث یوق، طمارلری او پوشمش، حماست دینه لری آنلری تحریک ایده میور، اکر تشبثده موجود اولسه اجدادیمزک لعنتلرینه مستحق اولماز، بالعکس آنلرک تجلیلرینی قزانیرز، که بو اک بیوک بر سعادت اخر ویدر . مکتبیسز علم تحصیل اولنماز، و علممزده تبشیر غیر قابلدر . او حالده نشر اسلام تشبثی یالکمز مبشر مکتبیرینه منحصر قالمش اولدینی بدیهیدر . ممالک اسلامیته نک هر شهرنده لا اقل ایکی اوچ مکتب موجود اولدینی کبی برده مبشر مکتبی تأسیس اولنسه نه اولور؟ اسلامیته کیتدکجه تدنی ایتیمکه بولندینی کیمسدر کورمیورمی؟ نزده او علما؟ نزده او مشایخ کرام؟ آنلر هیچ بو مسئله مهمه یی موضوع بحث ایتیمورلرمی؟ خیر، چونکه آنلر اسلاملردن پاره چکمکه مشغول بولنیورلر! ماضیدن، مستقبلدن شواهده لزوم یوق، حال حاضرده جامعلر مزده کی علمالرک (اسمده علما حقیقتده جاهل) و عطلری: صوفه لره پاره ویریکز، چونکه آنلر مقدسدر، معزدر . و یاخود

تغذی و نسبیہ اظهار ایدر ، بونلردن هر بریسی بویور ، انقسام ایدر .
وایکی شخص جدید حاصل ایدر . ایشته بوسلسلهٔ تشکلات بویله جه
دوام ایدر کیدر .

شوندن کلاشیلور که وحید الحجاتک تکاملی ایکی دوری حاویدر .
برنجیسی قبل التولید ، یعنی نشوونما دوری در که مخلوقی ایکنجی
دوره یعنی دور تولید و تناسله حاضر لر .

(وایسمان) تک حجره ملی ذوی الحیاتک باقی و غیر فانی اولدیغنی ادعا
ایدیورسده بونلرده عارضی اوله رق تلف اوله بیلور لر . یعنی بونلرده
موت طبیعی یوقدر . حتی ایلورده بحث ایدر جکمز وجهله بو حال
کثیر الحجات ایچون بیله بدرجهیه قدر عینیدر .

کثیر الحجاتده حجرهٔ ابتدائیہ یعنی (بیضه) ینه عینی نوعدن
تحصل ایدن بر حجرهٔ دیگرله یعنی (حوین منوی) ایله قاریشدقندن
صکره بر (بیضهٔ ملقحه) اولور . بوده نشوونما بوله رق ایکی حجرهٔ
دیگره انقسام ایدر ، فقط بونلر ، وحید الحجاتده وقوعه کلن حالاته
مغایر اوله رق ایکی ذی حیات جدید ، ایکی شخص تشکیل ایتک اوزره
بربرندن آیرلزلر ، برلکده مجتمع اوله رق نشوونما بولور و هر بری
ایکی حجرهیه آیرلور لر . ایشته بو انقسام یک چوق دفعه تکرار ایدر ایدر
بر چوق حجراتک تکثرینی انتاج ایدر که بونلرک کافه سی یکدیگرینه
ملاصق اعضا و انساج مختلفه تشکیل ایتک اوزره تخلفه دوچار اولور لر .
بواعضا و انساجک هیئت مجموعه سیده کثیر الحجره اولان شخصک
وجودینی تشکیل ایدر .

انسانک وجودینی تشکیل ایچون بیکلرجه میلیار حجات (حساب
ایدن دیکنه کوره وجود بشر الی تریلیون حجره دن تشکل ایتشدر .)
نوعک باقی اولدینی مدتیجه هر انسان ایچون عینی اولان بریلان
موجبیجه ، بر نظام و سیاق مکمل اوزره توضع ایدر لر . انسان ایچون
اولان بو حال کثیر الحجات اولان ذوی الحیاتک کافه سی ایچون عینیدر .
هاه شوراسی اول قدر شایان دقتدر که بویلان شخص کثیر الحجره تک
بتون تعضوی ، بتون وظائفی و بتون قابلیتله بیضهٔ ملقحه نه بالقوه
موجوددر .

مختلف ذوی الحیاتک بیضهٔ ملقحه سی شکل و ترکیب کیم یوجیه
بربرینک عینیدر .

انسان یومورطوسی کوپک یومورطه سنه تماماً مشاهددر . فقط
برنجیسی انسان ایکنجیسی بر کوپک چیقاریر . بیضه تک شکل و ترکیب
کیم ویسی طایبق کفایت ایتمز ، منشئی بیلمک لازمدر . زیرا منشأ
یومورطه تک حجره سنه عادتاً مهر مخصوصنی باصیبور . بیضهٔ ملقحه یی
تصور ایدنلر ایچون حیرته دوشمه مک ممکن اوله منر . پروتو پلاسماتک
بوکتهٔ خرده بینیسی ، (ذی حیات) دینیلن [انسان ، کوپک ،
قوش ، بالق ، بوجک ، نبات] اثر نفیسی وجوده کتیره ن بر
صنعتکاردر . بو آثار نفیسه تک یاننده بدایع بشریه چوجق او یونجانی
مثابه سنده قالیر . کثیر الحجاتک تکاملی اوچ دوری حاویدر :

حبل متین التهی به اعتصامدن اوزا قلاشهرق بو حالده کرفنار اولدیلر .
یوقسه دین مینمز بزه دائماً وحدتی ، دائماً ایلورده بولونمهی امر
ایدیور . بز هیچ کیمسه یه محتاج اولمایه جغز ، بتون اقوام بزدن
اقتباس مدنیت ایدر جک ؛ بتون علوم و فنونک ، بتون ترقیات مدنیته تک
مرکز و منبئی اسلام لر ، ممالک اسلامییه اوله جق . نته کیم وقتیه بویله
ایدی . مع التأسف شمعی ایسه او شرفه ، مظهریت شویله طورسون
اوفنونک ، او ترقیات مدنیته تک دشمنی اولمشز . دینزمی تبدله
او غرامش ، یوقسه اسکی مسلمانلرمی دینی اکللامش ؟

نه غریب حالدر ، بونلری کوریور ، حس ایدیور ، سوبیلور زده
ینه بش کشینک باش باشه ویره رک بالفعل چالشمه باشلادقلرینی کورمک
نصیب اولمایور . کچلرده بویله بر مکتب تأسیسه اولان احتیاجی بعض
ذواته عرض ایتدکده آلدیغمز جوابلردن بد بینلکده یک حقی
و معذور اولدیغمز کسب قناعت ایلدک .

نهدر بو حال ؟ مسلمانلرک قانی می تورومش ؟ قلبلری می تحجر
ایتمش ؟ یوقسه دینزمی ده دوشونمهی اجیلردن می بکلیه جکمز ؟ یازیق در .
بو حالک دوامی ممکن دکدر . بر قاق عصر ظرفنده روی ارضده
یوز ، ایکوز میلیون اکسین مسامانلر حالاً بو انحطاطی حس ایتدک
کمال فعالیت وجدیتله بالفعل چالشمه . یولیه ، مدنی کیمسه لره
مخصوص بر انتظام ایله چالشمه باشلامازلرسه صوکره قباحتی هیچ
کیمسه ده بولماسونلر .

آراق طمارلرنده خون اسلامیت جولان ایدن ارباب حمیت
بو احتیاجی حس ایله ، غیرت و فعالیتله کله رک بو خصوصده کی
فدا کارلغنک قیمتنی تقدیر ایلمی وهان ایسه باشلاملی درلر . توفیق جناب
حقندن در .

فلسفهٔ حیاتیه

یاخود

انبات راصب

ذوی الحیاتک تکامل و تناسلی

ذوی الحیاتک مکان اعتباریه مورفولوژیسی بوندن اولکی مقاله مزده
مطالعه ایتدک . برده زمان یعنی شخص و نوعک دوامی اعتباریه
تدقیق ایدر جکمز .

مشاهدات فیه بزه کوستریور که بتون ذوی الحیات بدایتده بر تک
حجره دن تشکل ایتشدر . بو حجرهٔ ابتدائیته تک ترتیب داخلیسی شخصک
وحید الحجره ویا کثیر الحجره اوله جنه کوره تخلف ایدر . وحید
الحجره تنه تولدن اعتباراً حجره نشوونما باشلار . بر زمان معینه
واصل اولونجه ایکی ذوی الحیات تشکیل ایتک اوزره بذاته ایکی پارچه یه
آیرلور . بوندن صکره اسکی حجره ، اسکی شخصدن هیچ بر اثر
قلماز ، برینه ایکی شخص جدید قائم اولور . بونلرده اولکی کبی علامت